

Sr. Emilio Medan

Alcalde President der Ajuntament de Les

**MOCION ENTARA MILHORA DERA TRANSPARÈNCIA E DERA INFORMACION AS CIUTADANS DER AJUNTAMENT DE LES**

- En compliment de çò establert enes articles 6, 7, 8, 9, 10, 11, 12, 13, 14, 15, 18 e 19 dera Lei 19/2014, de 29 de deseme, de transparéncia, accés ara informacion publica e bon govèrn, procedís era melhora dera transparéncia ena gestion economica, comptable, pressupostaria e patrimoniari der Ajuntament de Les e era obligatorietat de hèr publica era informacion especificada enes nomenats articles entara aplicacion deth principi de transparéncia.
- Eth portau de transparéncia non includís tota era informacion que mèrque era nomenada Lei coma de besonh public.
- Er Ajuntament contèste damb retard injustificat, o non conteste, es demanes d'informacion deth grop municipau Corròp-Les en çò que tanh as ahèrs mercats ena dita Lei.

Per çò qu'aguest grop municipau propòse ath Plen dera Corporacion era adopcion des següents acòrds:

**ACÒRDS**

1. Publicar e hèr difosion der impòrt individuau totau annau des cargues elèctes, des sues retribucions, salari base, compensacions per preséncia en comissions, òrgans de representacion der Ajuntament, assisténcia a reunions, dietes, indemnizacions e quilometratge annau.
2. Publicar era relacion de reunions en representacion der Ajuntament de cada cargue elècte.
3. Publicar era relacion d'immòbles pròpis, arrendats, adscrits der Ajuntament e era sua valoracion e era informacion economica restacada ara gestion patrimoniari, atau coma eth nombre de vehicules der Ajuntament e es despeses generades.
4. Publicar era llista e era quantia des operacions damb proveïdors més importants der Ajuntament.
5. Publicar e mantier publicadi es indicadors econòmics més importants, superàvit o dèficit per habitant, ingressi fiscaus e despeses per habitant e inversion per habitant.
6. Publicar e mantier publicadi es compdes annaus, balanç generau, compte de resultats, memòria e liquidacion deth pressupòst, damb un nivèu de detalh com a mínim de subcapítols, entà que sigue pro entenedor.

7. Publicar e mantier publicadi es informes d'auditoria de compdes e fiscalitzacion per part des òrgans de contròl extern, der Ajuntament.
8. Publicar es acòrds restacats ara creacion, era participacion e eth foncionament des ens publics, ees societats publiques, es consorcis d'auetes entitats restacades ara Administracion publica.
9. Mantier publicades e ath dia es actes dels plens municipaus e es acòrds des plens municipals e acòrds des juntes de govèrn.
10. Publicar es actes de contractacion (de totes es obres der Ajuntament), es projectes, plecs e criteris de licitacion e eth listat des empreses que an concorregut as òbres publiques més importantes.
11. Facilitar era consulta dera informacion damb usatge de mieis informatics en formats facilment comprensibles e que permeten era interoperabilitat e era reutilitzacion.

Mireia Boya Busquet

Portaveu deth Grop Municipau CORRÒP LES

Sr. Emilio Medan

Alcalde President der Ajuntament de Les

**MOCION ENTARA ARTURADA DETH PROJÈCTE DE CIRCULACION DE MOTOS D'ENDURO ENES BÒSQUI E CAMINS DE LES**

Er Ajuntament de Les a presentat ath Conselh Generau d'Aran un projècte entà autorizar era circulacion de grops de motociclistes (enduro) pes camins publics e bòsqui comunaus deth tèrme municipau de Les. Eth projècte se tròbe en fasa d'avaluacion pes tecnicos competents deth Conselh Generau d'Aran, que mos an facilitat era sua consulta.

Er Ajuntament de Les non mos a facilitat era informacion deth projècte tot e era demana de consulta que presentèc eth grop municipau de CORRÒP-LES en data 6 d'agost de 2015, num. Entrada en registre 661.

Er enduro, pes caracteristiques d'aguesta activitat, ei ua practica qu'a un impacte negatiu en miei. Ei tanben ua practica dificilment compatible damb d'autres activitats abituaments practicades pes vesins e vesies de Les e pes toristes que vien e pernocten enes establiments otelèrs deth pòble. Entre d'autres, podem nomenar era caça, era recuelhuda de misharnons, er ecotorisme, eth torisme familiar e era practica d'espòrts coma eth trail running, BTT e senderisme, totes eres activitats pes qu'aguest Ajuntament a mostrat un interès en apuar e potenciar.

Es vesins e vesies de Les non an estat informadi d'aguest projècte. E tampòc s'a dubèrt un procès participatiu entà que toti e cad'un d'eri poguen dar era sua opinion, exprimir es sues pòurs e hèr es preguntes tanhentes entà comprèner es afectacions deth projècte en bòsc e es camins, enes negòcis e ena vida social e de léser.

Eth projècte non compde damb un informe de Torisme Val d'Aran ne dam un estudi de mercat que justifique era sua compatibilitat damb es activitats nomenades e es potenciaus beneficis e pèrtes dirèctes que pòt auer entath pòble de Les.

Per çò qu'aguest grop municipau propòse ath Plen dera Corporacion era adopcion des següents acòrds:

**ACÒRDS**

1. Arturar eth projècte de forma immediata.
2. Daurir un procès participatiu d'informacion e debat entà qu'es vesins e vesies de Les, es associacions e es grops dirèctaments afectadi poguen informar-se e decidir liurements sus era convenença social, economica e ambientau deth projècte.
3. Convocar ua consulta populara entà decidir era convenença deth projecte.

Mireia Boya Busquet

Portaveu deth Grop Municipau CORRÒP LES

Sr. Emilio Medan

Alcalde President der Ajuntament de Les

**MOCION DE SUPÒRT AS REFUGIADI QUE HUGISSEN DE SIRIA E D'AUTI CONFLICTES ARMADI**

- Deuant dera creishent crisis umanitària enes termières dera Union Europèa e es milèrs de refugiadi que cèrquen un lòc d'acuelhuda, eth pòble de Les non pòt restar impassible deuant ua auta tragèdia, e cau actuar de forma decidida entà pressionar er Estat Espanhòu damb er objectiu d'eliminar es ridicules quòtes d'acuelhuda mercades.
- Eth pòble de Les a estat e ei un pòble d'acuelhuda, mès tanben sap de prumèra man que, hè 70 ans, es nòsti pairs-sénters aueren d'abandonar, tanben per ua guèrra injusta, aguesti parçans, e sigueren acuelhudi en d'auti païsi.
- Es Ajuntaments an era obligacion de dar responsa ara situacion d'emergéncia, sigue quina sigue era posicion dera Union Europèa e der Estat espanhòu, tostemp laguens des sues capacitats.
- Es veus solidàries des vesins e vesies de Les demanen era implicacion des institucions araneses en aguest ahèr.

Per çò qu'aguest grop municipau propòse ath Plen dera Corporacion era adopcion des següents acòrds:

**ACÒRDS**

1. Iniciar convèrses damb eth Conselh Generau d'Aran, era Generalitat de Catalonha, es Servicis Sociaus e ONG d'Aran entà organizar es recorsi de besonh entara acuelhuda de refugiadi, laguens des capacitats de toti es agents implicadi.
2. Híger-se a formar part der hilat de pòbles d'acuelhuda, que s'impulse e articule desde diuèrsi Ajuntaments deth país.
3. Valorar era capacitat d'acuelhuda en pòble de Les e coordinar es associacions e particulars qu'í volguen colaborar.

Mireia Boya Busquet

Portaveu deth Grop Municipau CORRÒP LES

Sr. Emilio Medan

Alcalde President der Ajuntament de Les

**PREGUNTES AR EQUIP DE GOVÈRN, JOS DEMANA DE DIUÈRSI VESINS E VESIES DE LES**

**1. SUS ES PARCATGES E ERA MOBILITAT:**

Diùersi vesins e vesies de Les an denonciat en aguest Ajuntament practiques inciviques de parcatge deuant des sues cases, en lòcs a on non ei permetut e en d'alti qu'impedissen era entrada enes cases e era respòsta rapida e pas facil en cas d'emergència.

**PREGUNTA 1: Pense aguest Ajuntament dar respòsta ad'aguesti vesins e vesies e trobar ua solucion deuant des practiques inciviques de parcatge?**

**2. SUS ERA MANTENENÇA DES AIRAUS INFANTIUS:**

Diùersi vesins e vesies an manifèstat eth sòn descontent damb er estat de conservacion des airaus infantius de propietat municipau, en tot hèr a constar infraestructures trencades, presència de defecacions de cans, vegetacion non segada, paperères que non se ueden e manca de barrères de seguretat.

**PREGUNTA 2: Quines mesures prenerà aguest Ajuntament entà assegurar era mantenença des parcs de titularitat municipau e en quini terminis e periodicitat?**

**3. SUS ETH PROJÈCTE D'AMPLIACION DERA PEIRÈRA:**

Era peirèra plaçada entre Les e Bossòst a presentat un projècte d'ampliacion dera explotacion que ara ei en tramitacion. Eth projècte supòse eth creishement dera explotacion peth costat deth tèrme municipau de Les e pòt implicar un naut impacte ambientau e visuau entàs vesins e vesies deth pòble.

**PREGUNTA 3: En quina situacion ei aguest projècte?**

**PREGUNTA 4: Quin ei er acòrd entre er Ajuntament e era empresa e quines compensacions an estat acordades degut ar impacte ambientau e visuau qu'era ampliacion implique?**

**PREGUNTA 5: Quina ei era posicion dera Junta de govèrn d'aguest Ajuntament deuant d'un projecte atau?**

Per çò qu'aguest grop municipau demane ath Plen dera Corporacion era respòsta argumentada.

Mireia Boya Busquet

Portaveu deth Grop Municipau CORRÒP LES